



Comun da La Val  
[www.laval.it](http://www.laval.it)

**Plata d'informaziun dl Comun**  
**01/08.03.07**

## **SENTADA DL CONSÈI DE COMUN DA LA VAL DI 25.02.2007**

Le consèi de comun da La Val s'á abiné in lünesc ai 25.02.07 te süa prüma sentada de chësc ann. Chilò en cürt les dezijiuns che é gnüdes tutes cun chisc puné al ordin dl dé.

### **1) Aprovaziun dl verbal dla sentada da denant di 20.12.2007**

Le protocol é gnü aprovè. La dezijiun è gnüda tuta a unanimitè.

### **2) Nominaziun dl revisur di cunc' por la perioda 2008-2010**

Le Dr. Verginer Fortunato cun stüde a Corvara è gnü nominè revisur di cunc por le Comun da La Val por la perioda 2008-2010. La dezijiun è gnüda tuta a unanimitè

### **3) Prüma variaziun al bilanz de previjiun 2008 y adeguamënt dl program dles operes publiches**

Por adeguè le bilanz de previjiun ales nezescites aministratives dl Comun ele gnü aproè na prüma variaziun al bilanz de chësc ann che prevëiga maius entrades y maius spëises por na soma totala de **€ 202.000,00** .

Tignon cunt che chëstes variaziun influësc ince sön le program dles operes publiches che le Comun se à tut dant de realisè tratan l' ann 2008 , è gnü le medemo adeguè ai nüs stanziamënc de bilanz; in particular el gnü preodü la poscibilitè de to sö n'imprèst de **€200.000,00** por daide curi les spëises revardëntes le resanamënt dles prümes döes alzades dla Ciasa de Comun. La dezijiun è gnüda tuta a unanimitè.

### **4) Cuta comunala söi imobii ICI-prezisaziun/modaziun dla deliberaziun de consèi nr. 59/C di 20.12.2007(detrazziun abitaziun prinzipala)**

Dal mumënt che le Comun aspeta tres ciamò de ciafè dala Provinzia y dal Consorz di Comuns informaziuns plü avisa por ci che reverda chësc argumënt è gnü sburlè a na proscima sentada l' ejam dl medemo. La dezijiun è gnüda tuta a unanimitè

### **5) Modaziun dl regolamënt comun al sön le sorvisc de imprèst di auti cun ciafer/Taxi**

Do che l' Ombolt à recordè che atualmënter le regolamënt comun al sön le sorvisc de Taxi prevëiga 4 lizënzes bel dütes dades fora y che al è gnü damanè da pert dl Consorz di Taxi dla Provinzia da Balsan l' aumënt dl

numer de chësta lizënzes spezialmënter por asigurè dami le sorvisc de trasport scolastich à le consëi aproè la proposta de aumentè le numer dles lizënzes da Taxi por auti fina a 9 posc te nosc Comun da 4 a 5 . La dezijiun è gnüda tuta a maioranza.

**6) Integraziun dl program plurienal de atuaziun dl PUC (zones residenziales de espanjiun C3 „Arciara“ y “Mirbun” zona por implanc' turistics /alberch „Tolpëi“;**

Cun chësc provedimënt de carater programatich él gnü stabilí te 5 agn le program de realisaziun dles zones suradites (merz 2008 – merz 2013). La dezijiun è gnüda tuta a unanimitè.

**7) Aprovaziun dl plann de atuaziun dla zona residenziales de espanjiun C3 „Arciara“**

Le plann de atuaziun de chësta zona é gnü aprovè ales condiziuns metüdes dant dala Comisciun comunala por le fabbrichè. Ara se trata de na zona d'espansiun nöia tla localitè Arciara. La dezijiun è gnüda tuta a unanimitè.

**8) Aprovaziun dl plann de atuaziun dla zona residenziales de espanjiun C3 „Mirbun“**

Le plann de atuaziun de chësta zona é gnü aprovè ales condiziuns metüdes dant dala Comisciun comunala por le fabbrichè. Ara se trata de na zona d'espansiun nöia tla localitè Mirbun. La dezijiun è gnüda tuta a unanimitè.

**9) Aprovaziun dl plann de atuaziun dla zona por implanc' turistics/alberch „Tolpëi“**

Le plann de atuaziun de chësta zona é gnü aprovè ales condiziuns metüdes dant dala Comisciun comunala por le fabbrichè. In particolar el gnü fat presënt che la cubatöra artejanala bel esistènta po gni mantignida mo a degüna maniera aumentada. Ara se trata de na zona d'espansiun nöia tla localitè Tolpëi. La dezijiun è gnüda tuta a unanimitè.

**10) Sconanza di “ensemble/adüms”-ejam dles postes di ensemble da sotmète a sconanza alado dl art.25 dla lege urbanistica provinziala.**

Do che l' Ombolt à recurdè ci che bel baiè sön chësc argumënt en ocasiun de döes sentades da denant dl 12.04.06 y 05.09.06 y che al è compit dl Comun aproè na proposta di “ensemble/adüms” da mèt sot a sconanza, ti al passè la parora al' Arch. Colz Albert che è gnü inciariè de laoré fora na proposta por ci che reverda i “ensemble/adüms” de *Santa Berbura, Dlijia Vedla, capela tla località Al Bagn , la vila de Rü y la Via dl voto.*

L' Arch. Albert Colz à purtè dant che dò süa minunga ma S.Berbura, Dlijia vedla y Al Bagn è da mèt sot a sconanza y nia la “vila de Rü” che è bel tutelada assà y la “Via dl voto” ajache chësta nia nezesciariamënter mëss ester liada y coliada ala dljia y porchël ti vëgnel a mancè ala medema le valor cultural che mëss caraterisè n’ “ensemble/adüms”. Por ci che reverda chësc argumënt ele ince gnü purtè dant la proposta scritta dl acunsiadù de Comun Moling Gottlieb . Do aprofondida discusciun à le Consëi a unanimitè inviè porchël le Arch. Colz a se limitè te so laur de planificaziun por ci che reverda i “ensemble/adüms” da mèt sot a sconanza ai posc de S.Berbera, Dlijia vedla y Al Bagn.

### **11) Nominaziun dla comisciun comunala dl fabbriché abitatif alisirè**

Do che l’ Ombolt à recurdé che al è gnü dauri le termo por presentè al Comun les domandes de assegnaziun de grunt por le fabbrichè alisirè y che al è nezescitè porchël de nominè na comisciun comunala che valutëis chëstes domandes y formes na nöia gradatöra , à le Consëi nominè chësta Comisciun por la dürada dla legislatüra metüda adüm insciö :

- Dr. Franz Complojer/Ombolt o n so deleghè – President
- Clara Erwin – espert
- Videsott Verena – rapr. laoranti(sön proponüda dl KVW/ACLI)
- Dr.Pescollderung Erich/secreter de Comun - secreter

### **12) Slariamënt dla SP 60 La Val tla trassa Pidrò/Le cun realizaziun de n marciapîsc – aprovaziun sot al aspet tecnich dla 5. varianta**

Do che l’ Ombolt à recurdè che cun del. N. 38/C dl 27.07.2007 ele bel gnü aproè sot al aspet tecnich dal Consëi le proiet de slariamënt dla strada provinziala SP 60/La Val tla località Pidrò/Le y costruziun de n marciapisc y che chësc proiet è gnü menè inant ai Ofizi competënc dla Provinzia che se à damanè valgügn mudamënc purtà dant dal’ assessur de Comun Deval Albert che à fat presënt in particular che le cost total di laurs è gnü preventivè te € **994.000,00** , cost chësc in gran pert curì dala Provinzia à le Consëi aprovè a unanimitè sot al’ aspet tecnich chësta variaziun al proiet suradit

### **13) Restauraziun dla Ciasa de Palsa dla Val Badia “Ujöp Frëinademetz” – ejam/aprovaziun dl proiet esecutif**

Do che l’ Ombolt à informè le Consëi sön la situaziun dl prozedimënt por ci che reverda la restrutöraziun dla Ciasa de Palsa dla Val Badia a

S.Martin y presentè por l' aprovaziun le proiet esecutif di laurs y la previjiun di cosc y finanziamënt fajon present por ci che reverda chisc ultims valutà te **€ 13.800.000,00** che al ne è nia ciamò dër tler tan gran che le contribut dla Provinzia sarà y porchèl gnanca tan grana che la pert dla spëisa a ciaria di Comuns pudarà ester , à le Consëi aprovè le proiet esecutif ma sot al' aspet tecnich y renviè vigni dezijiun por ci che reverda l' asunziun de impëgnns finanziars.

#### **14) Relaziun dla Junta de Comun aladô dl art. 21 dl Statut de comun**

L'ombolt á portè dant i punc plü importanè dl'ativité dla Junta de Comun dal'ultima sentada de consëi incá.

### **VALGÜGN PROVEDIMËNC DLA JUNTA COMUNALA APROA TRATAN I MËISC DE DEZËMBER 2007 Y JENA - FORA 2008.**

- Al è gnü cherdè ite por in jöbia *ai 20.12.2007 dales 08,00* ,le Cunsëi de Comun por süa cuinta sentada tl ann 2007;
- Al è gnü conzedü ala Ploania da La Val n contribut straordinar de **€ 5.000,00** por le finanziamënt dl implant de ilominaziun pro la “Dlijia S.Berbura”;
- Al è gnü reimbursè al Comun da S.Martin de Tor la soma de **€ 12.554,68** sciöche compartecipaziun dl Comun da La Val ales spëises sostegnüdes tratan l' ann 2006/07 por la gestiun y la manutenziun dla scora mesana statale dal Comun da S.Martin;
- Al è gnü passè inant ala Pro Loco da La Val la soma de **€ 2.173,69** trata ite dal Comun da La Val sciöche cuta de sojornanza por i agn 2004-2005 y 2006;
- Al è gnü aproè le prüm verbal de concordamënt de prisc nüs stlüt jö danter la direturia di laurs Dr.Claudia Crepaz y la dita “BIOC Bau” da S.Martin revardënt les operes de sistemaziun esterna pro le nü zenter por porsones anticipades a Pidrò por na maiù spëisa netta preodüda de **€ 83.919,50** al netto dl IVA respet ala soma originara de **€ 238.663,06** y che comporta insciö na maiù spëisa netta de **€ 62.770,34** respet ala soma proiettala netta;

- Al è gnü paiè fora desvalies spëises a ciaria dl Comun sön fonds a calcolaziun stanzià tl bilanz de chësc ann por na soma totala de € **16.517,80**;
- Al ti è gnü reimbursé ala responsabla dl sorvisc de economat Costabiei Agnes la soma de € **1.060,59** por les spëises paiades dala medema tl espletamënt de chësc sorvisc tla perioda **01.10.2007 – 18.12.07**;
- Al è gnü paié ai aministradus de Comun y ai mëmbri dles desvalies comisciuns comunales l' indenitè de presënza por la partezipaziun ales sentades tratan l' ann 2007 tla mosöra totala de € **4.477,80 (paiamënt a sentada € 43,90 bruto)**;
- Al è gnü stlüt jö cun la compagnia de asiguraziun “TORO” da Bornech n contrat de asiguraziun cuntra le medefüch y riscs che taca laprò por i fabricac de proprietà dl Comun da La Val por la durada de trëi agn por la perioda **01.01.2008-31.12.2010** y por na spëisa preodüda de € **3.504,39** ;
- Al è gnü stlüt jö cun la compagnia de asiguraziun “INA Assitalia” da Porsenu n contrat de asiguraziun cuntra i inzidënc a bëgn di mëmbri dla Junta comunala y le secreter de Comun da La Val por la durada de trëi agn por la perioda **01.01.2008-31.12.2010** y por na spëisa preodüda de € **217,00**;
- Al è gnü paiè fora ala dita “Miribung Emil” da La Val la soma de € **7.348,79** por desvalis laurs revardënc le coliamënt dla nöia strotöra multifunzionale pro la Ciasa de Comun dla rëi de canalisaziun publica;
- Al è gnü paiè fora ala dita “Miribung Emil” da La Val la soma de € **6.868,39** por desvalis laurs revardënc le coliamënt dla nöia strotöra multifunzionale pro la Ciasa de Comun ala condüta comunala dal' ega da bëre ;
- Al è gnü reimbursè a desvalis contribuënc da La Val la soma totale de € **880,30** sciöche retüda dla cuta ICI paiada in plü adinfal al Comun tratan i agn 2003-2007;
- Al è gnü paiè fora ala dita “Miribung Gherino” da La Val , la soma de € **12.127,58** por laurs de renovamënt dla condüta comunala dal' ega da bëre tla “zona Pares”;

- Al è gnü conzedü y paiè fora ala Pro Loco da La Val la soma de **€ 4.960,00** sciöche contribut straordinar a sostègn dles spëises por la ilominaziun da Nadè sön plaza de Comun y tla località Pidrò;
- Al è gnü conzedü y paiè fora al Cunsèi dles uniuns da La Val , la soma **€ 700,00** a sostègn dl' ativité de gestiun dla biblioteca tratan l' ann 2007;
- Al è gnü paié fora ala dita “Miribung Gherino” da La Val la soma de **€ 486,00** por laurs de manutenziun pro la condüta dal'ega da bère tla località “Plaiac”;
- Al è gnü paié fora ala dita “Miribung Gherino” da La Val la soma de **€ 3.196,80** por desvalis laurs de manutenziun pro la condüta comunala dal'ega da bère ;
- Al è gnü paié fora ai proprietars dl grunt ocupè dala strada comunala ”Spëscia dessot-Spëscia dessura” les indenites de espropriaziun secundo les respetives cuotes por na soma totale de **€ 14.312,78**;
- Al è gnü parti sö y paiè fora i dèrc de secretariat trac ite tratan le cuarto trimester 2007 por la soma de **€ 54,00** ; chisc scioldi vëgn partis sö tra Secreter de Comun-Regiun y Comun;
- Al è gnü autorisè le personal de Comun , sce al è nezesciar , al' esecuziun de laur straordinar tratan l' ann 2008 tla mosöra massima de 120 ores por dependënt;
- Al è gnü delibrè de to sö pro le tesorier dl Comun/ Raika dla Val Badia , na antizipaziun de cassa de **€ 290.000,00** por curi la eventuala mancianza de cassa tratan l' ann 2008;
- Al è gnü inciariè le geom. Mauro Crepaz da Bornech de arjignè ca na stima por ci che reverda le prisc de espropriaziun dl grunt tl raiun da fabbrichè alisirè “Funtanela” por na spëisa preodüda de **€ 624,00**;
- Al è gnü aproè le prüm verbal de concordamënt de prisc nüs stlüt jö tra le direttur di laurs Arch. Erich Agreiter da Bornech y la dita Mamp snc da La Val revardënt l'aredamënt dl salf protezionè por porsones andicapades da Pidrò por na spëisa netta de **€ 4.540,00** ;
- Al è gnü inciariè la dita S.G.S. Srl da Verona a arjignè ca n plan dles zones de sconanza por ci che reverda les fontanes che alimentëia les condütes comunales dal' ega da bère “Rü dla Gana y “Naga”, por na spëisa preodüda de **€ 7.344,00** ;

- Al è gnü aproè da n punt de odüda finanziar le proiet por le renovamënt dla condüta comunala dal'ega da bëre por la località Pidro por na spëisa preodüda de **€ 170.200,00** y al è gnü porchël scrit fora na gara informala de apalt por de ia chisc laurs ;
- Al è gnü inciariè le geom. Rinaldo Crepaz de Badia de arjgnè n relevamënt planialtimetriche sciöche ince n proiet por la realisaziun de na desciaia sön pert dles p.ter,. 195/4 y 199 C.C. La Val tla zona Piculin por na spëisa preventivada de **€ 5.266,56**;
- Al è gnü paié fora al personal de Comun l' indenitè y les spëises de iade por le sorvisc foradecà fat tran la perioda 18.09.07 .- 31.12.07 por na spëisa totala de **€1.173,24** ;
- Al è gnü assegnè formalmënter a Frenes Patrick/Ciamplo na suraspersa de indöt 385 m<sup>2</sup> de grunt da fabbrichè tla zona de espanjiun "Ciamplo 3/Plan di corf" por la realisaziun de na abitaziun populara;
- Al è gnü paié fora ala dita "Intern Design de Miribung G." da La Val , la soma de **€ 811,20** por laurs revardënc le stüde conzetual y la proietaziun dles scrites a mür pro le zënter por porsones andicapades da Pidrò;
- Al è gnü verificchè la tignida dl schedar di litadus dl Comun da La Val y la medema è gnüda considerata regolara;
- Al è gnü paiè fora desvalies spëises a ciaria dl Comun sön fonds a calcolaziun stanzià tl bilanz de chèsc ann por na soma totala de **28.899,38**;
- Al è gnü inciariè la dita Huber Markus da Türesc de fa i laurs de coliamënt dl implant da scialdé dl zënter nü por porsones andicapades da Pidrò ala zentrala termica dla Ostaria Posta por na spëisa preventivada de **€ 1.078,00**;
- Al è gnü aproè le stat final dl aredamënt de lëgn dl salf protezioné por porsones andicapades da Pidrò arjgnè ca dal' Arch. Erich Agreiter da Bornech da chël che al resultëia che al è gnü fat laurs por na soma netta de **€ 249.105,21** y de paié ciamò ala dita Mamp Snc da La Val la soma de **€ 12.126,25**;
- Al è gnü inciariè la dita Miribung Inozent da La Val de monitorè la tenjiun elettrica pro le nü zënter por porsones andicapades da Pidrò por na spëisa preodüda de **€ 588,00** y de paiè chësta soma ala dita suradita;

- De paiè fora ala dita Miribung Gherino da La Val la soma de € **1.687,40** por laurs de renovamënt dla condüda comunala dal' ega da bëre;
- De paiè fora ala dita Miribung Gherino da La Val la soma de € **993,60** por laurs de sistemaziun de n terac tla zona de espanjiun Plaiac 1;
- Al è gnü reimbursè les spëises por iadi cun l' auto privat fac por cunt dl Comun ai mëmbri dla Junta comunala por na spëisa totale de € **1.399,51**;
- Al è gnü paié fora le paiamënt por ores de laur straordinar fates dal personal de Comun tla perioda 18.08.07 – 23.01.08 por na soma totala de € **1.464,18**;
- Al è gnü aproè le prüm ejam de varianta dl implant de ilominaziun dl nü salf protezionè por porsones andicapades da Pidrò arjignè ca dal P.I. Gerhard Strobl da chël che al resultëia na maiù spëisa de € **6.787,35** al netto respet ala soma originara contrattala de € **59.572,78**;
- Al è gnü aproè le terzo y ultimo stat d'avanzamënt dl implant de ilominaziun dl nü salf protezionè por porsones andicapades da Pidrò arjignè ca dal P.I. Gerhard Strobl da chël che al resultëia che fina ai 28.10.2007 ele gnü fat laurs por indüt € **66.360,13** al netto y de chisc € **43.791,70** bel licuidà y porchël ele gnü paié fora ciamò ala dita Technology Sas da Bornech la soma de € **22.568,43** ;
- Al è gnü deliberè de cumpré alado dla L.P. n.10/91 en via de espropriaziun tla zona residenziala d' espanjiun C3 "Funtanela 2" , 731 m<sup>2</sup> de grunt dla p.ter. 482/1 tla PT 64/I C.C. La Val alado dl plann de frazionamënt dl geom. Mussner Daniel por i destinè al fabbrichè alisirè;
- Al è gnü aproè le cuarto stat d'avanzamënt di laurs da moler, feur, smaltè y sotfunc pro le nü salf protezionè por porsones andicapades da Pidrò arjignè ca dala direturia di laurs Dr. Claudia Crepaz da chël che al resultëia che fina ai 07.09.2007 ele gnü fat laurs por indüt € **289.130,45** al netto y de chisc € **225.,292,26** bel licuidà y porchël ele gnü paié fora ciamò ala dita Castlunger Davide da La Val la soma de € **63.838,19** ;
- Al è gnü assegnè provisoriamënter a Lo Re Eros/Funtanela na suraspersa de indöt 300 m<sup>2</sup> de grunt da fabbrichè tla zona de espansjiun "Funtanela 2" por la realisaziun de na abitaziun populara;
- Al è gnü inciariè le Inj. Julius Mühlögger da Pursenu cun l' adeguamënt dl proiet por l' ampliament dla SP 60 La Val y costruziun

de n marciapisc tl zënter abità a Pidrò insciö da preodèi le marciapisc sön la pert a man dërta(cuntra la munt) fora por düt le toch interesse dal' intervënt por na spëisa preodüda de **€ 2.325,60**;

- Al è gnü assegnè provisoriamënter a Sottara Alma/Bio Badia na suraspersa de indöt 334 m<sup>2</sup> de grunt da fabbrichè tla zona de espansjiun “Furnacia” por la realisaziun de na abitaziun populara;
- Al è gnü assegnè provisoriamënter a Sottara Stefan/Furnacia na suraspersa de indöt 435 m<sup>2</sup> de grunt da fabbrichè tla zona de espanjiun “Furnacia” por la realisaziun de na abitaziun populara;
- Al è gnü aproè la terza perizia suplementara de varianta revalidanta i laurs da smaltè y sotfunc dl salf protezion por porsones andicapades a Pidrò arjignada ca dala direturia di laurs Arch. Claudia Crepaz por na soma totala de **€ 397.192,25** al netto y na maiù spëisa netta de **€ 23.235,03** respet ala soma aproada denant;
- Al è gnü aproè le terzo stat d' avanzamënt di laurs da moler y sotfunc pro le zënter por porsones andicapades da Pidrò arjignè ca dala direturia di laurs Arch Claudia Crepaz da chël che al resultèia che fina ai 19.08.2007 el gnü fat laurs por indöt **€ 384.633,93** al netto y de chisc el bel gnü paiè fora **€ 364.377,76** y porchël ele ciamò gnü paiè fora ala dita Malbo Snc da La Val la soma netta de **€ 20.256,17**;
- Al è gnü inciariè le Dr. Alessandro Melchiori da Bornech cun la proietaziun dl marciapisc “Plaiac” söla man dërta dla strada comunala Cians tl toch danter le percurs pedonal esistènt dla zona d' espanjiun “Plaiac 1” y l' incrujada cun la strada comunala Coz por na spëisa preventivada de **€ 10.310,98** y al è porchël gnü paiè fora chësta soma al profesionist suradit;
- Al è gnü reimbursè ala Direziun raionala de scora ladina - Badia, la soma de **€ 4.345,00** sciöche compartezipaziun dl Comun da La Val ales spëises sostegnüdes tratan l' ann 2006/07 por la gestiun dla scora elementara da La Val (al vëgn reimbursé **€55,00** por scolare)
- Al è gnü aproè le secondo stat d' avanzamënt di laurs de sistemaziun esterna pro le zënter por porsones andicapades da Pidrò arjignè ca dala Direturia di laurs Dr. Claudia Crepaz da chël che al resultèia che fina ai 22.12.07 el gnü fat laurs por indöt **€ 322.048,87** al netto y de chisc **€ 188.016,21** è bel gnüs paià fora y porchël ele ciamò gnü paiè

fora ala dita BIOC BAU da S.Martin la soma de € **134.032,66** al netto dl IVA.

- Al ti è gnü afitè ala Telecom Italia SPA por la perioda de nü agn a piè ia dai 01.04.2008 n local de 31 m<sup>2</sup> tla secunda alzada te tera dla nöia strotöra multifunziunala pro la ciasa de Comun che è tla fasa de ultimaziun al prisc de € **2.200,00** al' ann;
- Al è gnü cherdè ite le Cunsëi de Comun por süa prüma sentada tl ann 2008 por in lünesc ai 25.02.08 y al è gnü aproè l' ordinn dl de da tratè;
- Al è gnü paiè fora desvalies spëises a ciaria dl Comun sön fonds a calcolaziun stanzià tl bilanz de chësc ann por na soma totala de **33.274,28**;
- Al è gnü autorisè le personal de Comun a fa prestaziuns de laur straordinar en ocajiun dles proscimes lites politiches dl 13/14.04.2008;
- Al è gnü tlassifichè na unità imobiliara nöia de proprietè de Colz Veneranda/Frëines , por ci che reverda la cuta de sojornanza da paiè al Comun;
- Al è gnü de terminè y paié fora al personal de Comun (sënza le Secreter) la premia de produtivité por l' ann 2007 che ti speta alado dl acordanza de compart por i dependënc di Comuns por na spëisa totala de € **4.509,39**;
- Al è gnü aproè le secondo verbal de concordamënt di prisc nüs arjignè ca dal direttur di laurs Arch. Agreiter Erich revardënt la fornidöra dl aredamënt dl nü zënter por porsones andicapades da Pidrò por na maiù spëisa netta de € **18.602,62** y al è gnü aproè le prüm ejam de varianta revardënt i laurs suradic da chël che al resultëia na maiù spëisa de € **23.156,92** al netto respet ala soma contratuala originara de € **165.244,23**;
- Al è gnü aproè le terzo verbal de concordamënt di prisc nüs arjignè ca dal direttur di P.I. Miori Bruno revardënt l' implant idrotermosanitar y cuntra le medefüch dl salf protezionè por porsones andicapades da Pidrò por na maiù spëisa de € **2.130,00** neta;
- Al è gnü aproè le stat final dla fornidöra dl aredamënt dl salf protezionè por porsones andicapades da Pidrò arjignè ca dal direttur di laurs Arch. Agreiter Erich da chël che al resultëia che al è esegui regolarmënter laurs por na soma neta de € **186.124,19** al netto y de chisc € **161.566,63** bel paià fora y porchël ele gnü paiè fora la desfarënzia de € **24.557,56 al netto**;

- Al è gnü deliberè de cumpré alado dla L.P. n.10/91 en via de espropriaziun tla zona residenziala d' espanjiun C3 "Plaiac 3" , 1.696 m<sup>2</sup> de grunt dles nöies p.ter. 99/3-99/4-99/5 y 99/6 C.C. La Val alado dl plann de frazionamënt dl geom. Crepaz Mauro por i destinè al fabbrichè alisirè;
- Al è gnü deliberè de cumpré alado dla L.P. n.10/91 en via de espropriaziun tla zona residenziala d' espanjiun C3 "Pidro/Le" , 1.506 m<sup>2</sup> de grunt alado dl plann de frazionamënt dl geom. Martkus Ferdigg por i destinè al fabbrichè alisirè;
- Al è gnü assegnè provisoriamënter a Nagler Klaus/Ciamplo na suraspersa de indöt 508 m<sup>2</sup> de grunt da fabbrichè tla zona de espanjiun "Plaiac 3" por la realisaziun de na abitaziun populara;
- Al è gnü assegnè provisoriamënter y por mez nia desparti a Miribung Silvio/Lunz na suraspersa de indöt 568 m<sup>2</sup> de grunt da fabbrichè tla zona de espanjiun "Pidro/Le" por la realisaziun de na abitaziun populara;
- Al è gnü assegnè formalmënter a Moling Manfred/Cestun na suraspersa de indöt 438 m<sup>2</sup> de grunt da fabbrichè tla zona de espanjiun "Cestun 1" por la realisaziun de na abitaziun populara;
- Al è gnü assegnè provisoriamënter a Vallazza Carlo/Pidro na suraspersa de indöt 512m<sup>2</sup> de grunt da fabbrichè tla zona de espanjiun "Plaiac 3" por la realisaziun de na abitaziun populara;

# AVISC Y COMUNICAZIUNS

## La RAS Radiotelevijiun Aziënda Speziala dla Provinzia da Balsan

### *l a s c i a a l s a v ë i*

che dai 4 ai 6 de merz de chësc ann gneral digitalisé tla Val Badia y te Gherdena l'emitënta todescia ZDF. Chësc è gnü comuniché dala RAS-Radiotelevijiun Aziënda Speziala dla provinza de Balsan. Al post dla emitënta analoga ZDF, podaran odëi en digital i programs ORF1, ORF2 y ZDF. Por la rezeziun val debojëgn de n receiver digital (set-top-box DVB-t), che an ciafa da cumpre tles botëghes spezialisades; chësc vëgn istalé danter l'antëna y la televijiun. Pro les televijiuns nöies è l'aparát bele istalé . Chi che á bele n receiver digital, á ma bria da fá na chirida automatica dles emitëntes nöies. I programs dl ORF romagnerá por le momënt inant ince sön la televijiun analoga. Por deplü informaziuns pon cherdé sö le **numer 0471/546666, o scrí a [info@ras.bz.it](mailto:info@ras.bz.it)**. **Infos ciafon ince sön internet, sot ala plata [www.ras.bz.it/it/tv\\_radio/dvb.htm](http://www.ras.bz.it/it/tv_radio/dvb.htm)**.

Implant	Canal	Polarisaziun
Badia (San Ciascian)	34	V(Verzicala)
Longiarü (Longiarü)	44	H(Orizzontala)
Col Alt (Calfosch, La Ila, San Linert)	51	H/V
Corvara (Corvara)	29	H
Mareo (Al Plan, San Martin)	64	H
Gherdëna (Urtijëi, Santa Crestina)	59	H/V
Ju de Frara	56	H
Bula (Bula, Runcadic)	58	V

<i>Tolpeit (La Val)</i>	<i>37</i>	<i>H</i>
Rina (Rina, Longega)	54	H
<i>La Val (Pidro, La Val)</i>	<i>49</i>	<i>H</i>
Sëlva (Sëlva)	58	H

**Termo por la presentaziun al Comun da La Val de domandes por l'assegnaziun de grunt por le fabbrichè alisirè**

Al vëgn recordè che al è ciamò tēmp fina ala fin de chësc mëis de merz por presentè al Comun domandes de assegnaziun de grunt por le fabbrichè alisirè . I formulars por les domandes po gni descarià dala Plata Internet dl Comun o è da ciafè adüm a informaziun plü avisa te Comun da

***Comploi Sepl – tel. 0471/842445***

**Calender dles udiënzes dla Defenüda zivica por l' ann 2008**

*Post* : a San Martin de Tor-Zënter 100-tla Ciasa de Comun

le secundo vëndres, vigni secundo mëis dales 14.30 ales 16.00

14 de merz

09 de mà

11 de messè

11 de jenà

12 de setëmber

14 de novëmber

Informaziuns y prenotaziuns: *Tel. 0471 30 11 55*

Defenüda civica - Porti 22, terza alzada – 39100 Balsan

dal lönesc al vëndres dales 9.00 ales 12.00 y dales 15.00 ales 16.30

***Dala defenüda zivica por ji por ciafé n' aiüt en cajo de stritaries o conflic cun le Comun , cun la Provinzia o cun atres Aministraziun publiches.***

## **Posc de recoiüda dl refodam tl zënter/Ciasa de Comun y Pidro**

Dal mumënt che an po tres ciamó constatè che ti posc de recoiüda dl refodam tl Zënter/Ciasa de Comun y a Pidrò le ciumënt ne vëgn nia de jö y lascé sciöche scrit dant , à l' Aministraziun comunala tut la dezijiun de mët sö proscimamënter te chisc posc telecameres che dëides individuè chi che ne se comporta nia indörtüra y insciö di fa paié ai medemi les strafunghes preodüdes dala lege .

## **Recoiüda dl refodam Bio**

A mët man da chësc ann sarà la recoiüda dl refodam Bio por les families y i “Betriebe” daverta a düc y le cost dla medema tut ite dl cost general dla recoiüda dl refodam .

Al vëgn recordè che chi che ne à nia la poscibilitè de composté instësc le ciumënt BIO è oblià a le de jö desparti dal' ater ciumënt. I posc de recoiüda è atualmënter a : *Zona Plaiac – Zënter/Ciasa de Comun – Raiun Piculin – Ciamplo – Le – Pidro.*

## **Le refodam vëgn cuiü adiüm vigni mertesc dala dita inciariada de chësc sorvisc**

Al è sanbëgn meso preodëi atri posc de recoiüda sce al è n cer numer de utënc y sce al vëgn damanè.

Al vëgn periè porchël düc chi che ne compostëia nia le refodam Bio y che ne à nia ciamò na tlè dles bënes(bidoni) da ji a ne to üna te Comun da Tolpeit Zeno. Te Comun ele ince da ciafè da cumpré scarnüc de papire da 7 lt. (15 por 1 €.) te chi che an an po mët ite chësc refodam por fa manco da scich ; chisc scarnüc po spo gni da jö pro le ciumënt BIO.

Ales families che fesc la recoiüda despartida dl ciumënt BIO le Comun scincarà spo n pice cëst por la recoiüda de chësc refodam .

Informaziun plü avisa gnarà dades da Tolpeit Zeno (tel. 0471/842453)

## **Por ciarè de miorè le sorvisc de recoiüda despartida dl ciumënt BIO le Comun è sambëgn davert a dütes les postes che gnarà dala populaziun dl paisc**

Por les families che compostarà (indortöra)instësses le refodam BIO (*chësc gnarà controlè dal Comun*) gnaral preodü na picia premia tla forma de na reduziun dla cuta sön le ciumënt tla mosöra che mëss ciamó gni stabilida.

Les families che ò se anuzè de chësta poscibilitè mëss se anunziè te Comun da Tolpeit Zeno.

### **Cuta sön la publizità**

In mertesc ai 25.03.2008, dales 16,00 ales 17,00 , saral a disposziun te ciasa de Comun n funzionar dl' ICA Srl – conzescionara dl sorvisc dla publizità, por tlari eventuales problematiches che reverda chësta cuta por l' ann 2008

### **Aodanzas/Condolianzes**

L' Aministrazion comunala *aoda diit le bun a*

- Kostner Barbara Alessia /Le y Vinati Paolo por la nasciüda dla picia **Elisabeth**
- Complojer Andrè/Pidro y Mischi Helga por la nasciüda dla picia **Victoria**

*Condolianzes de cör deperpo ti va ai familiars de*

- Campej Pire mort ai 16.02.2008
- Miribung Vijo mort ai 14.01.20078